

Cyflwyno cynlluniau ysgolion newydd



Cyflwynwyd cynlluniau ar gyfer dwy ysgol newydd yn Sir Benfro.

Maent am ysgol Gymraeg 3-16 oed yn y Llwyn Helyg, Hwlfordd, ac ysgol gynradd 3-11 oed yn Hundleton yn ne'r sir.

Mae'r ddau brosiect yn cael eu hariannu ar y cyd rhwng Cyngor Sir Penfro a Llywodraeth Cymru fel rhan o Raglen Ysgolion yr 21^{ain} Ganrif.

Meddai'r Cynghorydd David Lloyd, Aelod y Cabinet dros Addysg: "Dyma ddiwedd glo cyfnod llwyddiannus dros ben o ymgynghori ynghylch materion anodd iawn.

"Byddwn yn llongyfarch pawb sydd wedi helpu cyflawni'r ddau ganlyniad pwysig hyn. Yr amcan pwysicaf bob amser yw cyrraedd llawn allu ein plant ac rwy'n hollol bendant y bydd y ddau brosiect yn cyfrannu'n sylweddol at hyn."

Mae cais Hwlfordd yn golygu adeiladu o'r newydd ar gyfer Cylch Meithrin, Uned Blynyddoedd Cynnar 45 lle, gyda darpariaeth gynradd 315 lle a darpariaeth uwchradd 600 lle.

Hefyd yn y cais mae cynlluniau am lain 3G a chyfleusterau chwaraeon cysylltiedig ar gyfer yr ysgol newydd.

O'i gymeradwyo, byddai gwaith yn dechrau ar y safle yn gynnar yn 2017, gyda'r ysgol newydd yn agor ym mis Medi 2018.

Bydd sesiynau galw heibio, i'r cyhoedd weld y cynlluniau, yn cael eu cynnal ar ddechrau tymor yr hydref mewn man i'w gyhoeddi.

Mae cais yr ysgol gynradd yn cynnwys ysgol 120 lle ynghyd ag Uned Blynyddoedd Cynnar gyferbyn ag Ysgol GG Orierton bresennol yn Hundleton.

Bydd yn gwasanaethu disgyblion ar benrhyn Angle a bydd yn dilyn cau ysgolion Ystagbwl, Angle ac Orierton.

Mae'r cais i'w ystyried gan Bwyllgor Cynllunio a Hawliau Tramwy'r Awdurdod ym mis Medi.

O'i gymeradwyo, byddai gwaith yn dechrau ar ddiwedd Medi gyda'r ysgol newydd i'w chwblhau erbyn mis Medi, 2017.

Eto, bydd sesiynau galw heibio i weld y cynlluniau'n cael eu cynnal yn ysgolion Ystagbwl, Orierton ac Angle ar ddechrau tymor yr hydref.

Yn ogystal, bydd cynlluniau'r ysgolion newydd i'w gweld hefyd yn y Parth Dysgu yn Sioe'r Sir yn y Llwyn Helyg, Hwlfordd, o 16^{eg} i 18^{fed} Awst, lle bydd swyddogion yn bresennol i ateb unrhyw gwestiynau.

Geiriadau

Delwedd o'r ysgol Gymraeg arfaethedig yn Hwlfordd.

Argraff arlunydd o Ysgol newydd Penrhyn Angle.



ID: 33825 Adolygwyd:
2/8/2016



Angle Peninsula School
WPM Construction
3D Visual 02

